

ՀՈԳԵՎՈՐ

ՎԻՐԱՆԱՅՈՑ ԹԵՄԻ ԱՌԱՋՆՈՐԴԻ ԿԻՐԱԿՆՈՐՅԱՆ
ՔԱՐՈՇԽՈՍՈՒԹՅՈՒՆԻՑ«ԲՈՒՈՐ ՔՐԻՍՏՈՆԵԱԿԱՆ ԵԿԵՂԵՅՈՒՆԵՐԻ
ՓԼԽԱՎՈՐ ԽՈՐԱՆՆԵՐԸ ԶԱՐԴԱՐՎԱԾ ԵՆ
ՄԱՐԻԱՄ ԱՍՏՎԱԾԱԾՆԻ ՊԱՏԿԵՐՆԵՐՈՎ»

Ապրիլի 7-ին, հավարտ կիրակնօրյա Սուրբ պատարագի, Վիրահայոց թեմի առաջնորդ Տեր Կիրակոս եպիսկոպոս Դավթյանը քարոզ խոսքեց եւ շնորհավորեց Ավետման տոնի կապակցությամբ:

Սրբազանն, ի մասնավորի, ասաց. - Այսօր մեր եկեղեցին տոնում է իր ամենագեղեցիկ տոներից մեկը՝ Ավետումը: Դա այն օրն է, այն պահն է, երբ Հրեշտակը եկավ Մարիամ Աստվածածնի մոտ եւ ասաց՝ «Սուրբ հոգին կգա քեզ վրա, եւ Բարձրյալի գորությունը քեզ հովանի կլինի ու դու կծնես որդի, որը կդառնա աշխարհի փրկիչը»:

Այսօր այդ Ավետման տոնն է, տոն, երբ մենք հասկանում ենք, թե ինչ կարելի էր դերակատարություն Աստված տվեց մորը, մայր հասկացությանը՝ ցանկանալով, որ իր որդին այս աշխարհի վրա Մայր ունենա: Հետեւաբար, այս գեղեցիկ օրվա առիթով եւ ուզում են շնորհավորել բոլոր մայրերին եւ բոլոր նրանց, ովքեր ապագայում սպասում են մայրության բերկրանքին: Ինչպես Մարիամ Աստվածածինն ուրախացավ այն պահին, թող այդ ուրախությունը գա բոլոր նրանց, ովքեր սպասում են այդ երանելի օրվան: Եվ թող Սուրբ Մարիամ Աստվածածնի բարեխոսությունը եւ աղոթքը հասնի բոլոր մայրերին:

Տեսեք, թե որքան կարեւորեց Աստված մայր հասկացությունը, եւ բոլոր քրիստոնեական եկեղեցիների գլխավոր խորաններն այսօր զարդարված են Մարիամ Աստվածածնի պատկերներով:

Ես չեմ ուզում, որ իրենց վատ զգան հայրերը, բայց երբ կարդում ենք Սուրբ գրքում, ապա մորը շատ ավելի մեծ տեղ է տրված թե՛ Հիսուս Քրիստոսի կողմից, թե՛ Առաքելական թղթերում եւ թե՛ ընդհանրապես Նոր Կտակարանում: Եկեղեցական կանոնների մեջ նույնպես Մարիամ Աստվածածինն ունի տարվա ընթացքում յոթ տոն:

Հետեւաբար, սիրելի կանայք, սիրելի մայրեր եւ սիրելի աղջիկներ, ովքեր ապագայում կդառնան մայրեր, ճիշտ ըմբռնեք այն մեծ շնորհը, որը ձեզ տրված է Աստծու կողմից:

Ուստի, սիրելի՛ մայրեր, դուք ունեք շատ կարեւոր առաքելություն այս աշխարհում՝ կապված ձեր որդիների, ձեր զավակների հետ: Եվ պետք է իրոք լուրջ մոտենաք ձեր այդ առաքելությանը, հասկանաք, որ մայրությունը ձեզ տրված է Աստծու կողմից, եւ ընդհանրապես Աստծու կողմից մարդուն, տրված ամենամեծ նվերը Մայրությունն է:

ԴՊՐՈՑ

ԽՈՆԱՐՀՈՒՄ՝ ՄԱՅՐԵՐԻՆ

Գարնանային այդ գեղեցիկ օրը՝ ապրիլի 8-ին, մայրաքաղաքի թիվ 103 դպրոցում կայացավ «Մայրության եւ գեղեցկության տոնին» նվիրված հանդիսություն:



Վարդակալներով, մանուշակներով, փուչիկներով ու մոր եւ մանկան պատասխանող զարդարված դահլիճը լի էր հանդիսատեսով: Իրենց եւ սեփական մայրերի պատկերներով վերնաշապիկներ հագած բեմ են բարձրանում դպրոցի հայկական բաժանմունքի տարրական դասարանների սաներն, ու մեկնարկում է մայրերի մեծարման ցերեկույթը:

Սաների ելույթները դրական ապրումներ ու հույզեր պատճառեցին ներկայից:

Բովանդակալից բանաստեղծական փունջը կազմված էր հայ եւ վրաց մանկական գրականու-

թյան լավագույն գոհարներից, որոնք հնչեցին բնագրերով: Երեւացող էր նաեւ այն մեծ աշխատանքը, որ սիրով իրականացրել էին շնորհաշատ դասվարներ Ինգա Պոլոյանը (2-րդ դասարան), Մարիամ Կարապետյանը (3-րդ դասարան), Գայանե Պետրոսյանը (4-րդ դասարան):

Միջոցառումը զնախատեցին եւ մոր դերն ու նշանակությունը կյանքում կարեւորեցին դպրոցի ուսմանավար Հասմիկ Պապիկյանը, Վրաստանի ԿԳ նախարարության ներկայացուցիչ Կարինե Մանուկյանը, տնօրեն Արչիլ Զխաիձեն:

ՎԱՐԻՆԵ ՄԱՆՈՒԿՅԱՆ

ԹԱՏՐՈՆ

ԱՐՄԵՆ ՀՈՎՀԱՆՆԻՍՅԱՆԻ ՏԻԿՆԻԿՆԵՐԸ՝
ԹԲԻԼԻՍԻ ԽԱՄԱՃԻԿԱՅԻՆ ԹԱՏՐՈՆԻ ԲԵՄԻՆ

Ապրիլի 7-ին Գիորգի Միքելաձեի անվան Թբիլիսի պետական տիկնիկային թատրոնում կայացավ Մառնեուլիի մունիցիպալիտետի Շահումյան ավանից մեր երկրում ծանաչված տիկնիկագործ Արմեն Հովհաննիսյանի տիկնիկային ներկայացումը՝ նվիրված Սերգեյ Փարաջանովի ծննդյան 100-ամյակին, որը համընկավ նրա տիկնիկային թատրոնի հիմնադրման 5-րդ տարեդարձին:

Ներկայացման կազմակերպիչը հասարակական գործիչ Կարեն Եղիազարյանն է:

Միջոցառմանը ելույթ ունեցավ Վրաստանում Հայաստանի արտակարգ եւ լիազոր դեսպան Աշոտ Սմբատյանը:

Ներկայացմանը ներկա էին Վրաստանում Ֆրանսիայի դեսպան Շերազ Գարսիին եւ Նորվեգիայի դեսպան Բերգվիտ Յոնսդոթերի:

Լամդը:

Այստեղ էին նաեւ վրաց եւ հայ մտավորականներ՝ Թբիլիսից ու Քվեմո Բարթիլի տարածաշրջանից:

Տիկնիկային ներկայացման ավարտին Քվեմո Բարթիլի փոխնահանգապետ Կախա Կոբերի-



ձեն Արմեն Հովհաննիսյանին հանձնեց տարածաշրջանի նահանգապետ Գիորգի Դոխտուրիշվիլու շնորհակալագիրը:

«ԱՐՄԵՆԸ ՊԵՏԷ Ե ՆԵՐԿԱՅԱՅՎԻ ԱՌԱՎԵԼ ԼԱՅՆ ԼՍԱՐԱՆԻՆ»

Արմենի մասին խոսելուց առաջ, կուզեի շնորհակալ լինել նախորդ Գիորգի Միքելաձեի անվան Թբիլիսի պետական խամաճիկային թատրոնին, ով հյուրընկալեց Արմեն Հովհաննիսյանին:

Արմենին ճանաչում են որպես անհատականությամբ, ով տիկնիկների հետ միասին ստեղծել է իր աշխարհը: Գիտեն, որ իր ներկայացումների համար Արմենին ինքն է պատրաստում տիկնիկներին, հագցնում նրանց, դիմախարդարում ու խնամում, ինչը հատկապես է զովելի ու զնախատելի:

Ինձ բախտ վիճակվեց առաջին անգամ տեսնել Արմենին՝ որպես դերասան՝ իր իսկ կողմից ստեղծած աշխարհի բեմին: Տիկնիկների նման վարպետությամբ խաղը, հատկապես, երբ մենակ ես ու բեմի վրա ստիպված ես ամեն ինչ անել ինքդ, պա-

հանջում է մեծ վարպետություն, արհեստավարժություն եւ գործի նկատմամբ բացառիկ սեր:

Ինձ համար Արմենը օրինակ է, թե ինչպես պետք է սիրել սեփական մասնագիտությունը, թե ինչպես պետք է խնամել ու փայփայել այդ ամենն այնքան, որ բեմից էլ ակնհայտ զգացվի:

Կարծում եմ, որ Արմենը պետք է ներկայացվի առավել լայն լսարանին՝ որպես դերասան, տիկնիկագործ, ստեղծագործող, արվեստագետ եւ իր գործի արհեստավար: Այնպես որ, նրան մաղթում եմ մեծ հաջողություն:

ՆԵԼԻ ՎԱՐՇԱԼՈՍԻԶԵ

Վրաստանի խամաճիկային պրոֆեսիոնալ պետական թատրոնների միավորման գեղարվեստական ղեկավարի օգնական

ՌՈՐԵՐՏ ՍՏՈՒՐՈՒԱՅԻՆ ՆՎԻՐՎԱԾ ՖԻԼՄԵՐ՝ «ԿԻՆՈՅԻ ՏԱՆԸ»



Ապրիլի 20-ին «Կինոյի տանը» կցուցադրվեն ռեժիսոր Ռոբերտ Ստուրուային նվիրված ֆիլմեր:

Վրաստանի կինոակադեմիան Ռոբերտ Ստուրուայի 85-ամյա հոբելյանը նշանավորում է երկու ռեժիսորի ֆիլմերի ցուցադրմամբ:

Հանդիսատեսին կներկայացվեն ռեժիսոր Մանանա Անասաշվիլու «Ռոբիկո Ստուրուա. մի քանի դր-

վագ» ռեժիսորի կյանքից» եւ Գիորգի ճուլբուրիձեի «Ռոբիկոյի մաստերկլասը» ֆիլմերը:

Վրաստանի կինոակադեմիայի ղեկավարության որոշմամբ, ֆիլմերի ցուցադրմանը ցանկացողների համար մուտքն ազատ է:

ԱՊՐԻԼԻ 13-ԻՆ ԱԽՄԵՏԵԼՈՒ ԹԱՏՐՈՆՈՒՄ «ԽԱՆՈՒՄԱ»-ՅԻ
ԴԵՐՈՒՄ ՀԱՆԴԵՍ ԿԳԱ ԹԱԹՈՒԼԻ ԷԴԻՇԵՐԱՇՎԻԼԻՆ
«ԽԱՆՈՒՄԱՆ» ԿՆԵՐԿԱՅԱՅՎԻ ՆԱԵՎ ԹԲԻԼԻՍԻ ՊԵՏԱՅՐԱՄՍՅՈՒ
ԹԱՏՐՈՆՈՒՄ՝ Ռ. ՍՏՈՒՐՈՒԱՅԻ ԲԵՄԱԿԱՆԱՅՄԱՐ

Ապրիլի 13-ին Թբիլիսիի Ախմետելու թատրոնում կկայանա Աքվսենտի Ցազարելու «Խանումա» ներկայացման առաջնախաղը, որտեղ գլխավոր դերում հանդես կգա վրաց հանդիսատեսին քաջածանոթ «Շուա քալաքի» («Միջնաքաղաք») հեռուստասերիալի դերասանուհի Թաթուլի Էդիշերաշվիլին:

Հիշեցնենք, որ Աքվսենտի Ցազարելու դեռեւս 1882 թվականից վրացական բեմում բազմիցս ներկայացված «Խանումայի» առաջին փորձերն են սկսվել նաեւ Թբիլիսիի Պետրոս Աղամյանի անվան պետական թատրոնում: Պիեսը մեր թատրոնում ներկայացվելու է աշխարհառչակ ռեժիսոր Ռոբերտ Ստուրուայի եւ Արմեն Բայանդուրյանի բեմադրությամբ:

ՀԱՐԳԱՆՔԻ ՏՈՒՐԵ



ԶԱՄԼԵՏ ԽՈՒԽԱՇՎԻԼՈՒ ՀԻՇԱՏԱԿԻՆ

Ապրիլի 8-ին Թբիլիսիի Շոթա Ռուսթավելու անվան ազգային ակադեմիական թատրոնում Վրաստանի կառավարության աջակցությամբ, անցկացվեց ճանաչված մարզական մեկնաբան Զամլետ Խուխաշվիլու հոբելյանական երեկոն:

Միջոցառմանը ներկա էին Վրաստանի վարչապետ Իրակլի Կոբախիձեն, Թբիլիսիի քաղաքապետ Կախա Կալաձեն, մշակույթի եւ սպորտի նախարար Թեա

Տարախչյան եղբայրները, թբիլիսյան միջազգային «Prodakshen Drime» ընկերության գլխավոր տնօրեն Սերգեյ Եղոյանը:

Հիշեցնենք, որ Զամլետ Խուխաշվիլին 1963 թվականից աշխատել է որպես մարզական մեկնաբան, 1994 թվականից գլխավորել է Վրաստանի բասկետբոլի ազգային հավաքականը: 1998 թվականին սպորտի զարգացման եւ ժողովրդականացման, ինչպես նաեւ վրաց եւ իրեա ժողովուրդների բարեկամության ամրապնդման գործում ներդրած ավանդի համար Զամլետ Խուխաշվիլին պարգևատրվել էր Պատվո շքանշանով: Նա մահացել է 2023 թվականի ապրիլի 5-ին:



ՆԱԽԱՁԵՆՈՒԹՅՈՒՆ

ՄԵԿՆԱՐԿԵՑ «ԵՐԻՏԱՍԱՐԴ ԵՎՐՈՊԱԿԱՆ ԴԵՄՊԱՆՆԵՐ» ՏԵՂԵԿԱՏՎԱԿԱՆ ՔԱՐՈՋԱՐՇԱՎԸ

Վրաստանի հաշտեցման եւ քաղաքացիական իրավահավասարության հարցերի պետնախարար Թեա Ախվեղիանու նախաձեռնությամբ մեկնարկեց ազգային փոքրամասնություններով հոծաբնակ տարածաշրջանների համար «Երիտասարդ եվրոպական դեսպաններ» տեղեկատվական քարոզարշավը:

Թեա Ախվեղիանին ուշադրությունը բեռնեց տեղեկատվական քարոզարշավի նպատակներին հասնելու գործում երկլեզու երիտասարդների դերի վրա այն բնակավայրերում, որտեղ դեռեւս պետական լեզվի իմացությունը շարունակում է մնալ մարտահրավերային:

Պետնախարարը երիտասարդների հետ հանդիպմանը խոսեց քաղաքացիական իրավահավասարության ու ինտեգրման պետական քաղաքականության կարեւորագույն առաջնահերթությունների մասին եւ առանձնակի ընդգծեց պետական լեզվի իմացության մակարդակի բարձրացման անհրաժեշտությունը, խոսեց երկրում ընթացող գործընթացների ու այլ հրատապ հարցերի մասին: Պետնախարարն առանձնակի ընդգծեց ազգային փոքրամասնություններով հոծաբնակ տարածաշրջաններում բնակչության տեղեկատվության մակարդակի նշանակությունը:

Պետնախարարի հավաստմամբ, այդ հարցում նշանակալի դեր է կատարելու «Երիտասարդ եվրոպական դեսպան» նախագիծը, որի նպատակը Վրաստանի եվրոպական եւ եվրատլանտյան ինտեգրման հարցերի վերաբերյալ երկրի ոչ վրաց բնակչությանը տեղեկատվության փոխանցումն է: Նրա խոսքով, տեղեկատվության մատչելիության ապահովման, տեղեկատվական հանդիպումների արդյունավետության բարձրացման անհրաժեշտ է անցկացնել համապատասխան վարժանքներ, որոնց ընթացքում կքննարկվեն քաղաքացիական իրավահավասարության եւ ինտեգրման պետական քաղաքականության առաջնահերթությունները:

- Պետական նախարարի աշխատակազմի նախաձեռնությամբ, մեր գործընկերների հետ համագործակցության շրջանակներում ստեղծված «Երիտասարդ եվրոպական դեսպան» ծրագիրը հետապնդում է քաղաքացիական իրավահավասարության եւ ինտեգրման քաղաքականության մի քանի նպատակ: Հիշեցնենք, որ Վրաստանի բազմազգ բնակչության պետական լեզվի իմացության մակարդակի բարձ-



րացումը մեր կարեւորագույն առաջնահերթություններից մեկն է, եւ մինչեւ դրա լիարժեք իրականացումը, մեր գլխավոր խնդիրը մնում է ակտիվացնել ազգային փոքրամասնության ներկայացուցիչ համերկացիների ներգրավումը: Միաժամանակ, վերոնշյալ ծրագրում երիտասարդների մասնակցությունը, նրանց դերի ուժեղացումը, մեր նշանակալի խնդիրներից մեկն է: Հենց այդ նպատակներին է ծառայելու այս նախագիծը, որի շրջանակներում վրացերեն-հայերեն, ինչպես նաեւ վրացերեն-ադրբեջաներեն խոսող մեր երկլեզու երիտասարդները, վարժանքների շրջանակներում Վրաստանի եվրոպական եւ եվրատլանտյան ինտեգրման նշանակության ու այդ տեսանկյունից պետության ջանքերի վերաբերյալ ստացած գիտելիքները եւ տեղեկատվությունը կհասցնեն տեղի բնակչությանը ազգային փոքրամասնություններով հոծաբնակ տարածաշրջաններում, - հայտարարեց պետնախարար Թեա Ախվեղիանին:

Նախագծի մասնակիցներին խոսքով դիմեցին նաեւ ՆԱՏՕ-ի եւ Եվրամիության վերաբերյալ տեղեկատվական կենտրոնի տնօրեն Թամար Ծուլեսկիրին եւ ԱՄՆ միջազգային զարգացման գործակալության ներկայացուցիչ Թամար Սիրբիլանին: Եռօրյա սեմինարը նախատեսում է տարբեր հանդիպումներ պետական գերատեսչությունների ներկայացուցիչների հետ: Սեմինարին մասնակցում են ազգային փոքրամասնություններով հոծաբնակ Սամցխե-Ջավախքի, Քվեմո Զարթլիի եւ Կախեթի տարածաշրջաններում ապրող երիտասարդներ:

ԶԳՈՒՇԱՑՈՒՄ

ՎՐԱՍՏԱՆԻ ԱԶԳԱՅԻՆ ԲԱՆԿԸ ԶԳՈՒՇԱՅՆՈՒՄ Է ՕԳՏԱՏԵՐԵՐԻՆ ՆՈՐ ԽԱՐՈՂԱՆ ՍԽԵՄԱՅԻ ՄԱՍԻՆ

Վրաստանի Ազգային բանկը զգուշացնում է օգտատերերին նոր խարդախ սխեմայի մասին:

Ինչպես նշված է Ազգային բանկի պաշտոնական տեղեկատվության մեջ, վերջին շրջանում գրանցվել են խարդախության դեպքեր, որոնք իրականացվում են հատուկ ծրագրերի (ներառյալ AnyDesk) միջոցով:



«Մասնավորապես, տարբեր մեթոդների, գովազդային օղակների, սոցիալական ինժեներիայի, փողի ներդրման դիմաց խոստացող բարձր եկամուտների եւ այլ մեթոդների միջոցով օգտվողներին խրախուսվում է ներբեռնել եւ տեղադրել հատուկ ծրագրեր/հավելվածներ իրենց էլեկտրոնային սարքերում, ներառյալ՝ բջջային հեռախոսները, որոնք խաբուս են նշված սարքը կամ տարբեր հավելվածներ, այդ թվում՝ Mobile Bank, այսպես կոչված SMS հաղորդագրություններ եւ այլն: Դա թույլ կտա հեռակառավարել ու ազդել դրա վրա:

Եղել են նաեւ դեպքեր, երբ հաշվի առնելով վերոնշյալը, խարդախները կարողացել են օգտավորել անունից ակտիվացնել վարկ, վաղաժամկետ դադարեցնել ավանդները եւ միջոցներ փոխանցել տարբեր հաշիվների, այդ թվում՝ վիրտուալ ակտիվներ գնելու:

Վրաստանի Ազգային բանկը հորդորում է քաղաքացիներին հատուկ ուշադրություն եւ զգուշություն ցուցաբերել ինտեռնետ/վիրտուալ տարածքում տարածված առաջարկներին, ինչպես նաեւ իրենց անձնական, այդ թվում՝ ֆինանսական տվյալների հրապարակման ժամանակ: Նախեւառաջ փնտրեք առաջարկը թողարկող ընկերության հուսալիության եւ կատարողականի մասին տեղեկատվություն ու, եթե ընկերությունը վստահելի եւ ծանոթ է թվում, ստուգեք առաջարկի իսկությունը ընկերության հետ:

Հավելյալ հարցերի դեպքում, խնդրում ենք կապվել Վրաստանի Ազգային բանկի թեժ գծով՝ (+995)0322406406»,- նշված է Ազգային բանկի տեղեկատվության մեջ:

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ ՄԱՔՍԱՅԻՆ ԴԵՊԱՐՏԱՄԵՆՏԸ ՀԱՄԱԼՐՎԵՑ... ԶՈՐԲՈՏԱՆԻ ՕԳՆԱԿԱՆՆԵՐՈՎ

Վրաստանի ֆինանսների նախարարության եկամուտների ծառայության մաքսային դեպարտամենտը համալրվեց չորքոտանի օգնականներով, գերմանական եւ բելգիական ցեղերի 4-ական շներով:

Դ ե ն է լ Ս 2 0 1 4 թվականի գերատեսչությունում ձեւավորված կինոլոգիայի ծառայությունն ակտիվ համա-



գործակցում է օտարերկրյա գործընկերների հետ, ուսումնասիրում է նրանց փորձը եւ այն արդյունավետ օգտագործում իր գործունեության մեջ՝ նախապատրաստելով կինոլոգ աշխատակիցների:

Վրաստանի ողջ տարածքով մաքսային անցակետերում ու տնտեսական ձեւավորման գոտիներում այսօր անվտանգության վերահսկողությունն իրականացնում են կինոլոգ-աշխատակիցները եւ թմրանյութերի հոգեբուժական դեղորայքի, ինչպես նա-

եւ մաքսանենգային ծխախոտեղենի բացահայտման մեջ վարժեցված 31 շներ:

Հատկանշական է, որ արդի սարքավորումներով հագեցված կինոլոգիայի կենտրոնը տարեցտարի զարգանում է եւ ծառայողական շների համար ստանում նոր հարմարեցված տարածք: Նախագծային աշխատանքների շրջանակներում, լրիվությամբ նորացվել են «Կարմիր կանուրջ» եւ «Սարխիլ» ավտոմոբիլային մաքսակետերում շների համար հատկացված վայրերը:

ՀԱՅՏՆԱԲԵՐՎԵԼ ԵՆ ՄԵԾ ՔԱՆԱԿՈՒԹՅԱՄԲ ԶՀԱՅՏԱԳՐՎԱԾ ՈՍԿԵ ԵՎ ԱՐԾԱԹԵ ԶԱՐԴԵՐ

Վրաստանի ֆինանսների նախարարության մաքսային դեպարտամենտի աշխատակիցները «Սարխիլ» մաքսային անցակետում հայտնաբերել են չհայտագրված ոսկե եւ արծաթե զարդեր:



Մաքսային աշխատակիցները օտարերկրյա քաղաքացու ինչպես անձնական, այնպես էլ՝ ուղեբեռի խուզարկության արդյունքում, հայտնաբերել են մեծ քանակությամբ չհայտագրված ոսկե եւ արծաթե զարդեր:

Զհայտագրված ապրանքի ընդհանուր մաք-

սային արժեքը կազմում է 28 079,01 լարի: Գործի նյութերը հետագա արձագանքման համար ուղարկվել են Վրաստանի ֆինանսների նախարարության քննչական ծառայություն:

ԲԱՑԱՀԱՅՏՎԵԼ ԵՆ ԱՌԱՆՑ ԱԿՑԻԶԻ ԾԽԱԽՈՏԵՂԵՆԻ ՊԱՐՄԱՆ-ԻՐԱՑՄԱՆ ՓԱՍՏԵՐ

Վրաստանի ֆինանսների նախարարության եկամուտների ծառայության հարկային մոնիթորինգի դեպարտամենտի աշխատակիցների կողմից իրականացված հսկիչ ընթացակարգերի արդյունքում, բացահայտել են ակցիզավորման ենթակա ապրանքների առանց ակցիզի փոխարժան-պահպանման-իրացման, քրեականորեն պատժելի փաստեր: Աշխատակիցների կողմից արտադրական տեղամասերից առգրավվել է առանց ակցիզի 5 023 տուփ ծխախոտ, որի ընդ-

հանուր արժեքը կազմում է 26 258,8 լարի:

Վրաստանի հարկային օրենսդրության համաձայն, օրինախատ քաղաքացու առանց ակցիզի ապրանքը բռնագրավվել է, գործի նյութերը, հետագա արձագանքման համար ուղարկվել են Վրաստանի ֆինանսների նախարարության քննչական ծառայություն:



ԿԱՆԽՎԵԼ Է ԶՀԱՅՏԱԳՐՎԱԾ ՄԵԾ ԳՈՒՄԱՐԻ ՆԵՐԿՐՄԱՆ ՓԱՍՏԸ

Ղազբեգիի մաքսակետում կանխվել է չհայտագրված մեծ գումարի ներկրման փաստը:

Վրաստանի ֆինանսների նախարարության եկամուտների ծառայության մաքսային աշխատակիցները, կասկածի հիման վրա, խուզարկել են

օտարերկրյա քաղաքացու ավտոմեքենան: Խուզարկության արդյունքում, հայտնաբերվել է չհայտագրված 40 միլիոն ռուսական ռուբլի:

Զհայտագրված գումարը Վրաստանի Ազգային բանկի կուրսով կազմում է 1,164 միլիոն լարի:

Վրաստանում գործող օրենսդրության համաձայն, չհայտագրված գումարը բռնագրավվել է:

ՀԱՅԱՍՏԱՆ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ԼԱՇԱ ԴԱՐՍԱԼԻԱ. «ՎՐԱՍՏԱՆԸ ԱՆԵՐԿԲԱ ԱԶԱԿՑՈՒՄ Է ՀԱՅԱՍՏԱՆԻ ԻՆՔՆԻՇԻԱԼՆՈՒԹՅԱՆ ՈՒ ՏԱՐԱԾՔԱՅԻՆ ԱՄԲՈՂԱԿԱՆՈՒԹՅԱՆԸ»

Ապրիլի 11-ին Երեւանում անցկացվեց «Հայաստան-Վրաստան ռազմավարական գործընկերություն. հայեցակարգից՝ իրականություն» փորձագիտական համաժողովը, որին մասնակցեցին եւ ելույթ ունեցան Հայաստանի արտաքին գործերի փոխնախարար Վահան Կոստանյանը, Հայաստանի վարչապետի աշխատակազմի ղեկավար Արայիկ Հարությունյանը, վրացագետ Ջոնի Սելիքյանը, վրացական կողմից՝ Վրաստանի արտաքին գործերի նախարարի առաջին տեղակալ Լաշա Դարսալիան (հեռավար):

Հայաստանի փոխարտգործնախարար Վահան Կոստանյանն իր ելույթում նշեց, որ տվյալ միջոցառումն առաջինն է հունվարին Հայաստանի ու Վրաստանի միջեւ ռազմավարական գործընկերության համաձայնագրի կնքումից հետո, եւ հիմա շատ կարեւոր է, որպեսզի նաեւ փորձագիտական հանրությունն օգնի ձեւավորել այն օրակարգը, որը թույլ կտա ավելի միա եւ արյուն տալ երկկողմ հարաբերություններին: Նրա համոզմամբ, փորձագիտական շրջանակները պետք է օգնեն երկու կառավարություններին, որպեսզի հնարավոր լինի զուգահեռ ու հավասարապես զարգացնել կապերը բոլոր ուղղություններով:

Վրաստանի ԱԳ նախարարի առաջին տեղակալ Լաշա Դարսալիան իր հերթին ներկայացրեց ուղղված տեսաու-

ղերձում ընդգծեց, որ Վրաստանին ու Հայաստանին վիճակված է կողք-կողքի գոյակցել իրենց պատմությամբ եւ աշխարհագրությամբ: Թեւեւ բացառիկ հարաբերությունները, որոնք նշանավորվել են օրինակելի համագործակցության տեսական ժամանակաշրջաններով, երբեք պայմանավորված չեն եղել բացառապես աշխարհագրական մերժությամբ:

- Ռազմավարական գործընկերության հռչակագրի ստորագրմամբ մեր երկկողմ համագործակցությունը բարձրացել է որակապես նոր մակարդակի: Հռչակագիրն առաջին հերթին ուղղված է երկկողմ համագործակցության ընդլայնմանը եւ տարածաշրջանում խաղաղությանն ու կայունությանը: Հայաստանը վաղուց եղել է Վրաստանի ինքնիշխանության եւ տարածքային



ամբողջականության հաստատում եւ անասան աջակցը: Վրաստանը նույնպես աներկբա աջակցում է Հայաստանի Հանրապետության ինքնիշխանությանն ու տարածքային ամբողջականությանը: Մենք վճռականորեն աջակցում ենք Հարավային Կովկասում կայունությանն ու խաղաղ գոյակցությանը,- ասաց Դարսալիան եւ հավելեց, որ վրացական կողմը բաց է այդ առումով հայ գործընկերների հետ փոփոխական հեռանկարները քննարկելու համար:

ՀԱՅԱՍՏԱՆԻ ԱՆՎՏԱՆԳՈՒԹՅԱՆ ԱՊԱՅՈՎՄԱՆ ՈՐՈՇԻՉ ԳՈՐԾՈՆԸ ՄԻՋԱԶԳԱՅՆՈՐԵՆ ՃԱՆԱԶՎԱԾ ՍԱՀՄԱՆԻ ԱՐՁԱՆԱԳՐՈՒՄ Է

Հայաստանի վարչապետ Նիկոլ Փաշինյանը Ազգային ժողովում կառավարության ծրագրի (2021-2026 թթ.) 2023 թվականի կատարման ընթացքի եւ արդյունքների մասին զեկույցի քննարկման ժամանակ ունեցած ելույթում հայտարարեց, որ ինքը 2022 թվականի սեպտեմբերին Ադրբեջանի կողմից Հայաստանի վրա հարձակումից հետո հասկացել է, որ Հայաստանի միջազգայնորեն ճանաչված սահմանի արձանագրումն է, որ կարող է լրացուցիչ եւ որոշիչ գործոն դառնալ մեր երկրի կարճաժամկետ, միջնաժամկետ եւ երկարաժամկետ անվտանգությունն ապահովելու հարցում:

- Կառավարությունը եւ անձամբ եւս համոզվել ենք այն համոզման, որ պատմական Հայաստանը եւ իրական Հայաստանը ոչ միայն համատեղելի չեն, այլ նաեւ հաճախ հակոտնյա են միմյանց, նույնիսկ լրջագույն սպառնալիքներ են ստեղծում մեկը մյուսի համար: Ես եւ կառավարությունը, երկար ժամանակ լինելով պատմական Հայաստանի հոգեբանության ու ավանդույթի կրողներ, միայն 2022 թվականին արձանագրեցինք, որ Հայաստանի անվտանգության ապահովման առանց-

քային գործոնն արհամարհված է, եւ մեր պետականության դեռեւս առաջին տարիներից է տեղի ունեցել: Եվ այդ գործոնը Հայաստանի միջազգայնորեն ճանաչված սահմաններն են, Հայաստանի միջազգայնորեն ճանաչված տարածքը,- հայտարարեց վարչապետը եւ հավելեց, որ իրական ու պատմական Հայաստանների միջեւ սահմանագատման եւ սահմանագծման գործընթացն ավելի հեշտ չի ընթանում, քան Հայաստանի եւ Ադրբեջանի միջեւ սահմանագատման գործընթացը:

ՀԱՅԱՍՏԱՆՈՒՄ ԲԱՐԵՓՈԽՈՒՄՆԵՐԻ ԻՐԱԿԱՆԱՑՄԱՆ ԳՈՐԾՈՒՄ ԸՆԴԳԾՎԵՑ ԵՎՐԱՄԻՈՒԹՅԱՆ ԱԶԱԿՑՈՒԹՅԱՆ ԿԱՐԵՎՈՐՈՒԹՅՈՒՆԸ



Ապրիլի 9-ին Հայաստանի վարչապետն ընդունեց եվրոպական միության խորհրդի Քաղաքական եւ անվտանգային հարցերով հանձնաժողովի անդամներին՝ նախագահ Դեվիդ Պրոնկի գլխավորությամբ:

ճակարդակի համատեղ հանդիպման փաստը:

Զրուցակիցները քննարկել են տարածաշրջանում տեղի ու-

նի դիրքորոշումը լիարժեք արտահայտված է վերոնշյալ նախագծում: Տարածաշրջանում անվտանգության եւ կայունության ապահովման գործում կարեւորվել է Հայաստանում ԵՄ քաղաքացիական առաքելության դերը:

Հայաստանի վարչապետը շեշտել է Եվրամիության օժանդակության կարեւորությունը Հայաստանում ժողովրդավարական բարեփոխումների արդյունավետ իրականացման գործում ընդգծելով, որ ժողովրդավարության հետեւողական զարգացումը երկրի կառավարության համար ունի ռազմավարական նշանակություն:

Ըստ վարչապետի աշխատակազմի հաղորդագրության, Նիկոլ Փաշինյանը ողջունել է պատվիրակության այցը Հայաստան եւ կարեւորել Հայաստան-Եվրամիություն համագործակցության հետեւողական զարգացումը եւ այդ համատեքստում ընդգծել ապրիլի 5-ին Բրյուսելում Հայաստան-ԵՄ-ԱՄՆ բարձր

մեցող զարգացումներին, Հայաստան-Ադրբեջան խաղաղության գործընթացին վերաբերող հարցեր: Վարչապետը վերահաստատեց Հայաստանի կառավարության հավատարմությունը պայմանավորվածություններին եւ ներկայացվել «խաղաղության խաչմերուկ» նախագիծը՝ հավելելով, որ Հայաստա-

ԱՆՑԿԱՑՎԵՑ ԱՌՆՈ ԲԱԲԱԶԱՆՅԱՆԻ ՀԻՇԱՏԱԿԻ ՀԻՄՆԱԴՐԱՄԻ ՀԻՄՆԱԴՐՄԱՆ 5-ԱՄՅԱԿԻՆ ՆԿԻՐՎԱԾ ՀԱՄԵՐԳ-ԵՐԵԿՈ

Վլադիկավկազում ծնված, Ռուսաստանի ճանաչված հայազգի ռեժիսոր, Մոսկվայի Եվգենի Վախթանգովի անվան թատրոնի հիմնադիր (1926թ.), Վլադիկավկազի Եվգենի Վախթանգովի անվան տուն-թանգարանում ապրիլի 7-ին տեղի ունեցավ հանդիսավոր համերգ-երեկո՝ նվիրված Հյուսիսային Օսեթիա-Ալանիա Հանրապետությունում Առնո Բաբաջանյանի հիշատակի լուսավորչական հիմնադրամի հիմնադրման 5-ամյակին եւ այդ հիմնադրամի կողմից Վլադիկավկազում Հայաստանյայց Առաքելական եկեղեցու ալբոմ-ուղեցույցի լույսընծայման շնորհանդեսին:

Միջոցառմանը ելույթ ունեցավ Առնո Բաբաջանյանի Վլադիկավկազի հիմնադրամի ղեկավար Աշոտ Հարությունյանը:

Համերգին մասնակցեցին Մարիլյան օպերային թատրոնի Վլադիկավկազի մասնաճյուղի մեներգիչները, ովքեր կատարեցին Առնո Բաբաջանյանի ստեղծագործություններին:

Միջոցառմանը ներկա Առնո Բաբաջանյանի հիշատակի հիմնադրամի նախագահ, կոմպոզիտորի որդի, այսօր



թիլիսաբնակ Արա Բաբաջանյանը շնորհակալություն հայտնեց միջոցառման կազմակերպիչներին, դերասաններին եւ հանդիսատեսին:

Երեկոյի ավարտին համերգի մասնակիցներն ու հանդիսատեսը կատարեցին Առնո Բաբաջանյանի «Իմ Երեւան» երգը:

ՄԵԿ ՏԱՐՈՒՄ ՎԵՐԱՐՏԱԳՐԱԿԱՆ ՏԵԽՆՈԼՈԳԻԱՅՈՎ ՄԵՎԵԼ Է 100-ԻՅ ԱՎԵԼԻ ԵՐԵՒԱՆ

Հայաստանի առողջապահության նախարար Անահիտ Ավանեսյանի հայտարարությամբ, վերարտադրողական օժանդակ տեխնոլոգիաների օգնությամբ երեխա ունենալու ծրագրի շրջանակում, 5 441 շահառուի համար կատարվել է ախտորոշում եւ բուժում, ինչի արդյունքում գրանցվել է 736 հղիություն, ծնվել է 159 երեխա, ընդ որում, այս տարվա առաջին եռամսյակի ընթացքում արդեն ծնվել է 100-ից ավելի երեխա:

Նա նշեց, որ 2023 թվականին ծնվել է 35 հազար 854 երեխա, 2022 թվականի 35 հազար 649-ի համեմատ:

ՀԻՆԳ ՄԻԼՈՆ ԳՐԱՄ՝ ԵՐԵՒԱՆԵՐԻ ԱՌՈՂՋՈՒԹՅԱՆ ՀԻՄՆԱԳՐԱՄԻՆ

Բիբլոս Բանկ Արմենիան նվիրաբերեց 5 միլիոն դրամ Հայաստանի երեխաների առողջության հիմնադրամին՝ աջակցելու հիմնադրամի առողջական խնդիրներ ունեցող փոքրիկների բուժմանն ուղղված նախագծերին:

Կարելուելով իմաստավորված ու դրական քայլերը՝ Բանկը շարունակ ներդրում է կատարում առողջ համայնքներ կառուցելու գործում: Բանկի գլխավոր գործադիր տնօրեն Հայկ Ստեփանյանի խոսքով, կարելու է մասնակցել առողջական խնդիրներ ունեցող երեխաների բուժման կազմակերպմանն ու հիվանդությունների կանխարգելմանը:

ՄԱՐՏԻՆ ՀԱՅԱՍՏԱՆ Է ԱՅՅԵԼԵԼ 154 2015 ԶԲՈՍԱՇՐՋԻԿ

Հայաստանի Զբոսաշրջության կոմիտեի տարածած հաղորդագրությունը տեղեկացնում է, որ ընթացիկ տարվա մարտ ամսին Հայաստան է այցելել 154 հազար 215 զբոսաշրջիկ:

2023 թվականի մարտին զբոսաշրջային այցելությունների թիվը կազմել է 159 հազար 918 մարդ: 2024 թվականի մարտ ամսին դեպի Հայաստան առավել շատ զբոսաշրջային այցելություններ գրանցվել են Ռուսաստանից (42 տոկոս), Վրաստանից (14 տոկոս) եւ Իրանից (8 տոկոս):

ՍԵՎԱՆԱ ԼՃԻ ՄԱԿԱՐՈՒՄԸ ԲԱՐՅՐԱՅՎԵԼ Է ՍԵՒԱՆԱ ԼՃԻ ՄԱԿԱՐՈՒՄԸ 2024 թվականի ապրիլի 1-ի դրությամբ՝ ծովի մակերևույթից գտնվել է 1900 մ 24 սմ բարձրության վրա, ինչը 7 սմ-ով ցածր է մնում նախորդ տարվա նույն օրվա նիշից:

Այս տարվա անցած երեք ամիսների ընթացքում Արփա-Սեւան թունելային ջրա-տարով Սեւանա լիճ է տեղափոխվել 19 մլն 909 հազար խորանարդ մեդր ջուր: Սեւանա լիճ թափվող գետերում դիտվել է ջրի ելքերի փոփոխական ռեժիմ:

ԵԿԵՂԵՑԱԿԱՆ

ԱՊՐԻԼ



21.04.2024 Կարմիր կիրակի
Հայաստանյայց Առաքելական
Եկեղեցու տոնացույցում Սուրբ
Ջատկին հաջորդող կիրակներն
հատուկ խորհրդանշական ան-
վանումներ ունեն։ Ջատկի չոր-
րորդ կիրակին կոչվում է Կարմիր
կիրակի։ Կարմիրը Քրիստոսի եկե-
ղեցու եւ հավատի համար մար-
տիրոսացած նահատակների սուրբ
արյան խորհրդանշն է։ Քրիստոնեության վաղ շը-
ջանում, երբ քրիստոնյաները դաժան հալածանք-
ների էին ենթարկվում, շատերը գերադասեցին մեռ-
նել, քան դավաճանել հավատի այն սկզբունքներին,
որ մարդկությանն ավանդել էր մարդաջյալ Աստված՝
Քրիստոսը։

ԹԵՃ ԳԻԾ

ԲՈՒՐՈՒՆ ԱՆՀՐԱԾԵՑ
ՀԵՌԱՆՈՍԱՀԱՄԱՐՆԵՐ

Շտապ բժշկական օգնություն - 112
Պարեկային ոստիկանություն - 112
Հրշեջ-փրկարար ծառայություն - 112
Պահակային ոստիկանություն - 125
Գլխավոր տեսչություն - 126
Տեղեկատու բյուրո - 118 08
Քաղաքապետարանի թեժ գիծ - 272-22-22
Առողջապահության նախարարության թեժ գիծ -
15-05
Ժողովրդական պաշտպան - 299-58-98, 292-24-79
Մարդու իրավունքների պաշտպանության կենտրոն -
4-81
«Թբիլիսի Էներջի»-ի տեղեկատվական ծառայություն -
114, 240-40-04
«Վարկեթիլի»-ի տեղեկատվական ծառայություն -
227-50-40
«ԹԵԼՄԻԿՈ»-ի թեժ գիծ - 16 700,
(+995 32) 5 000 777
Ջրամատակարարման թեժ գիծ - 293-11-11
Կոյուղու վթարային ծառայության թեժ գիծ -
(593) 50-42-52
Օդանավակայանի տեղեկատվական բյուրո -
231-03-41, 231-04-21
Երկաթուղային կայարան - 1331, 219-90-10
Դիդուբեի «Օկրիբա» ավտոկայարան - (599) 74-73-73

ՏՐԱՆՍՊՈՐՏ

ԹԲԻԼԻՍԻ ՆՈՐ ԵՐԹՈՒՂԻՆԵՐՈՒՄ ԱՎՏՈԲՈՒՍՆԵՐԻ ԹԻՎՆ ԱՎԵԼԱՆՈՒՄ Է

Ապրիլի 13-ից մայրաքաղաքի 7 երթուղում 12 մետրանոց ավտոբուսների քա-
նակը կավելանա։

Ինչպես նշեց Թբիլիսիի քաղաքապետ Կախա Կալաձեն,
ավտոբուսների թիվը կավելանա մայրաքաղաքի 304, 307,
311, 315, 339, 351 եւ 385 երթուղիներում, իսկ կանգառնե-
րում սպասելու ժամանակը կկրճատվի 6-ից 15 րոպեով։
- Բոլոր երթուղիներում աստիճանաբար 18 մետրանոց
ավտոբուսներ են գործարկվելու, ավտոբուսները բաշխվե-
լու են ըստ անհրաժեշտության,- ասաց քաղաքապետը։
Նշենք, որ Թբիլիսիի տարբեր երթուղիներում հունվա-

րից գործարկվել են 18
մետրանոց ավտոբուս-
ները, իսկ մինչեւ դեկ-
տեմբերի վերջը մայրա-
քաղաք կժամանեն 50
նոր ավտոբուսներ, որոնք
երթուղիներով կշարժ-
վեն հունվարից։



Ի ԳԻՏՈՒԹՅՈՒՆ ՎԱՐՈՐԴՆԵՐԻ

ՓՈԽՎՈՒՄ Է ՄԵՔԵՆԱՆԵՐԻ ՏԱՐԱՆՅԻԿ ՀԱՄԱՐԱՆԻՇՆԵՐԻ ՁԵՎՆ ՈՒ ԴԻՉԱՅՆԸ



Վրաստանի ներքին գործերի նախարարության սպասարկումների գործակալության տարա-
ծած հաղորդագրության համաձայն, ապրիլի 1-ից տարանցիկ համարանիշերը տրվում են հա-
մաձայն նոր կանոնի, ընդ որում փոխվում են մեքենաների եւ մոտոցիկլետների տարանցիկ հա-
մարանիշերի տրամադրման կարգն ու դիզայնը։

Փոփոխությունների արդյուն-
քում ներքին տարանցման եւ տա-
րանցիկ համարների նմուշները սահ-
վի սեփականատիրոջը, եւ կտեղադրվի մեքենայի վրա, եւ
ոչ մի այլ անձ չի կարողանա օգտվել այդ համարանիշից։

Նշված փոփոխությունները կնպաստեն նաեւ Վարչա-
կան իրավախախտումների վերաբերյալ օրենսգրքով նա-
խատեսված տուգանքների վարչարարությանը։
Իսկ մինչեւ ապրիլի 1-ը թողարկված մեքենա տարանց-
ման եւ տարանցիկ համարանիշները կգործեն օրենսդրու-
թյամբ սահմանված ժամկետի ընթացքում։

ԾԱՆՈԹԱՐՈՒՄ

ՏԱՐԲԵՐ ԱՐԺՈՂՈՒԹՅԱՆ ՄԵՂԱՆԵՐ՝ ԱՇԽԱՐՀԻ ԳԱՎԱԹԻ ԽԱՐԱԿՈՒԹՅՈՒՆՈՒՄ

Թախանդում մարտի 31-ից մինչեւ ապրիլի 11-ը անց-
կացվեց ծանրամարտի օլիմպիական որակավորման աշ-
խարհի գավաթի խաղարկությունը։


Մրցաշարին մասնակից վրաց մարզիկներից
աչքի ընկավ Ջազա Լոնթաձեն, ով 109 կգ քաշ-
ային կարգում արժանացավ բրոնզե մեդալի։

Վրաց ճանաչված ծանրորդ, օլիմպիական
խաղերի, աշխարհի եւ Եվրոպայի բազմակի չեմ-
պիոն ու ռեկորդակիր Լաշա Տալախաձեն մաս-
նակցեց կշռման եւ ներկայացման ընթացակար-
գին, թեեւ առաջիկա օլիմպիական խաղերին
նախապատրաստվելու կապակցությամբ, մը-
ցաշարին չմասնակցեց։

Հայաստանից ծանրորդ, Եվրոպայի գործող
չեմպիոն Վարադգատ Լալայանը, +109 կգ քաշ-
ային կարգում արժանացավ ոսկե մեդալի։

Հայաստանի հավաքականի անդամ Գարիկ Կարապետ-
յանը 102 կգ քաշային կարգում նվաճեց արծաթե մեդալ։

Հայաստանի Հայ Առաքելական Եկեղեցու Վի-
րահայոց թեմը, «Վրաստան» թերթի խմբագրու-
թյունը, Թբիլիսիի Պ.Ադամյանի անվան պետա-
կան հայկական դրամատիկական թատրոնը
իրենց վշտակցությունն են հայտնում թբիլիսա-
հայ ճանաչված մանրանկարիչ, 73-ամյա
Մերուժան Միքայելի ՇԱՀՈՒՄՅԱՆԻ
մահվան կապակցությամբ եւ ցավակցում են նրա
ընտանիքին ու հարազատներին։
Հոգեհանգիստը՝ ապրիլի 12-13-ին, ժամը՝ 16:00-
ին, հուղակավորությունը՝ ապրիլի 14-ին, ժամը՝
14:00-ին։
Հասցեն, Թբիլիսի, Ախմետայի փողոց 31 («300 արագվացիներ» մետ-
րոկայարանի, Արամյանցի հիվանդանոցի մոտակայքում)։



1		2		3		4		5	6	7	8	9	
					10			11					
12							13						
				14	15		16	17					
				18					19	20			
						21				22			
		23		24	25							26	
								27	28				
29							30	31			32		
						33							
34			35	36			37	38		39	40		
		41					42			43			
			44			45			46				
	47					48			49				50
51						52			53				
							54						
55					56						57		

Խ Ա Չ Բ Ա Ռ

ՀՈՐԻԶՈՆԱԿԱՆ

1.Ռուս մեծ գրող Եսենինի գրա-
կան հերոսուհի։ 4.Ասորեստանի վավաշտ թա-
գուհին։ 11.Անգլիացի ֆիզիկոս, աստղագետ Նյու-
տոնի անունը։ 12.Ամառվա ամիս։ 13.Գերմանացի
թեմիսիստուհի։ 14.Կավե ջրաման։ 17....արկտ, ...որ-
մացիա։ 18.Շտապ, շուտ։ 19.Տատիկի թելատու
գործիչը։ 21.Ընտանի կենդանի։ 22.Ժխտական նա-
խածանց։ 24.Ռուս մեծ պոետ։ 27.Լուսահոգի ծան-
րորդ, Վրաստանում Հայաստանի նախկին դես-
պան ... Վարդանյան։ 29.Եռանիշ թիվ, մեկ դար։
30.... ու երջանիկ։ 32.Նիզակ, թուր։ 33.Թվի տե-
սակ։ 34.Քաղաքային հանրային տրանսպորտ։
37.Բաժնու պատմավեպերից։ 41.Անձնական դե-
րանուն։ 42.Պտուղ, միրգ։ 43.Համայն Վրաստանի
Կաթողիկոս-Պատրիարք ... Երկրորդ։ 44.Ստորա-
դասական շաղկապ։ 45.Երազելի, հաճելի։ 48.Հի-
մա, այժմ։ 49.... եւ մակրո։ 51.«Աստվածային կա-
տակերգություն» հեղինակը։ 52. որիդային, ապա
ռուսական ուղեծրային կայան։ 53.Անահիտը ըն-
կերական շրջապատում։ 54....քուստ, ...բերել, ...քին։
55.Ռուս մեծ գրող Դոստոևսկու երկերից։ 56.Ան-
հայտ թիվ։ 57.Բագրատունիների մայրաքաղաք։
ՈՒՂԱՆԱՅՆՈՒՄ. 1.Պարսիկ մեծ բանաստեղծ Ֆիր-
դուսու հռչակավոր պոետը։ 2.Թվաբանական գոր-

ծողություն։ 3.Սուրճի տեսակ։ 5.Թատրոնի եւ կինո-
յի հայ անվանի դերասանուհի, ՀԽՍՀ արտիստու-
հի։ 6.Մարդ, այր (բրբ.)։ 7.Թբիլիսիի խոջիվանքի
պանթեոնում թաղված հայ մեծ պատմավիպասա-
ն։ 8.Վախ, երկյուղ։ 9.Անգլիացի գրող Ջեյ Լոնդոնի
վեպերից «... Իդեն»։ 10.Վրաց հայտնի երգիչ։ 15.Հար-
ցական դերանուն։ 16.«Մախմուր ...», աս ու դունաշ
ատլաս հագին» («Ագռավն ու աղվեսը»)։ 20.Քա-
ղաք Հունաստանում։ 23. Ուղտերի շարքը։ 25.Ամե-
րիկահայ հայտնի գրող։ 26.Լիճ Վրաստանում։ 28.Երդ-
վել, ուխտ անել։ 29.Վիրահայ գրող Վիկտոր Հով-
սեփյանի ծննդավայր գյուղը։ 30.Մամ..., բամ..., դալ...։
31.Մաշտոցյան այբուբենի զինվոր։ 35.Ժողովրդա-
կան երգիչ Արսեն Գրիգորյանի բեմական կեղծա-
նունը։ 36.Ավետիք Իսահակյանին ժողովրդի կող-
մից տրված պատվանունը։ 37.Վրաստանի նախկին
նախագահ Սաակաշվիլու կինը։ 38.Պայթուցիկ զենք։
39.Ռուսական բանահյուսության ժանր։ 40.Վրաց
մեծ գրող Դումբաձեի գրական հերոսներից։ 42.Հե-
քիաթի հերոսի տեսակ։ 45.Երկրագնդի չոր մասը։
45.Իտալացի վարպետ, ջութակի ստեղծողը։ 47.Վիսալ-
ցիխեում ծնված մեծ դերասան, կատակերգու ...
Խաչվանքյան։ 50.Տղա գավակ։

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 7.Ցեյտնոտ։ 9.Ամանել։ 10.Հողմ։ 11.Լիմոնադ։ 13.Ամիգո։ 16.Բավ։ 17.Կեն։ 19.Ջեռակ։
22.Ցնցուղ։ 24.Տոկերո։ 25.Շոգի։ 27.Թելատու։ 29.Ձավեշտ։ 32.Գրետա։ 33.Նիկոլո։ 35.Սեյֆ։ 38.Սով։
40.Գրկի։ 41.Գլակ։ 44.Եմին։ 47.Ռիո։ 48.Մուտի։ 50.Ուտելի։ 51.Ջրո։ 52.Եք։ 53.Գեղ։ 54.Կիա։ 55.Ուելս։
ՈՒՂԱՆԱՅՆՈՒՄ. 1.Դելիք։ 2.Մտքով։ 3.Կոհակ։ 4.Լամա։ 5.Չափ։ 6.Շերտ։ 8.Տոդես։ 12.Մարց։ 14.Մթել։
15.Գրադ։ 18.Ծղոտ։ 19.Ջոկատ։ 20.Ռելե։ 21.Կոլտ։ 23.Ուշակով։ 26.Գուգո։ 28.Եֆին։ 29.Ջելի։ 30.Վաստ։
31.Շեյկ։ 34.Կոմիտե։ 36.Երկու։ 37.Ֆինիքս։ 39.Թախ։ 42.Լոկի։ 43.Կոգա։ 45.Մուգ։ 46.Նեղ։ 48.Մոռ։ 49.Տել։

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ԲՅՅԵՈ ՅՈՆԱՅՅԵՄՈ։ ՄԺԾԼՈՆՈ 0105, ՃԱՄԲԵՂՈՆ ԺՅԻՃ 5.
Մեր հասցեն Թբիլիսի 0105 Գ.Աթոնելի փ. 5
ԾՅԼ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՑՈՆԵԾՅՈ»
ՄԺԾԼՈՆՈ, ՆԱՅԵՄԵՅԼՈ
«ВРАСТАН»
Тбилиси, Грузия
«VRASTAN»
Georgia, Tbilisi
Индекс 66445